

**Corpus Juris Canonici, Per Regulas Naturali Ordine
Digestas, Usuque Temperatas, Ex Eodem Jure, Et
Conciliis, Patribus, Atque Aliunde Desumptas, Expositi**

Opus, Tum In Rebus Obscuris Claritate, Tum Dispersis Collectione ac
delectu, in contrariis conciliatione, eximium, simulque Indicibus ac
Præfationibus, Notisque quamplurimis & exquisitis illustratum, ; In Tres
Tomos divisum

Complectens Prolegomena Ad Jus Canonicum In Se Et Universim
Consideratum

Gibert, Jean-Pierre

Coloniæ Allobrogum, 1735

Titulus VI. Qui Privilegia dare possunt; quique in Canone id posse
dicantur?

[urn:nbn:de:hbz:466:1-74413](https://nbn-resolving.de/urn:nbn:de:hbz:466:1-74413)

TITULUS VI.

Qui Privilegia dare possint, quique in Canone id posse dicantur?

REGULA I.

Quicunque Leges vel Statuta condere potest, Privilegia quoque circa illa concedere potest.

REGULÆ RATIO. Ejus est solvere, cuius est ligare.

REGULA II.

Quandò Privilegium Legi vel Consuetudini Universalis opponitur, ab eo solo dari potest, qui à tali Lege dispensare potest.

C. 8. DIST. C. probat, tale Privilegium à Papá concedi posse; Idem probat. C. 9. de Offic. Ordin. C. 8. CAUS. IX. QUEST. III.

REGULA III.

Temerarium & indignum est, aliquem propriâ autoritate præsumere, quod alii, certâ ratione inspectâ, singulari concessum fuit Privilegio.

Cap. 9. De Privil.

REGULA IV.

Unum & idem Privilegium tam à Prælato Inferiori, quam à Superiori simul concedi potest.

Cap. 14. De Privileg.

REGULA V.

Privilegia, quibus Concedens alienos Subditos sibi immediate subicit, non ab alio manare possunt, quam ab Habetente potestatem supremam.

Infertur ex Cap. 9. De Offic. Ordin. Infertur quoque ex omnibus Locis, in quibus vetatur Metropolitanus, ne in primâ instantiâ judicet, qui sibi non immediate subicit.

Hinc etià Metropolitanus, Primas, Patriarcha, sint Episcopis Superioribus, non leguntur in Canone posse istorum Subditos sibi immediate subicere; de Papá vero plurius legitur id posse. Cap. 12. 13. De Privileg.

In Gallia non valent hujusmodi Privilegia, nisi concordant Prælati, quibus nocent.

REGULA VI.

Qui in Jure Canonico Privilegium dare posse dicuntur, hi sunt.

I. Papa Cap. 8. CAUS. IX. QUEST. III. C. 12. 13. 14. De Privileg. & passim alibi.

II. Episcopus C. 14. De Privileg. C. 6. De Relig. Dom. C. 13. De Sent. & Re Jud. C. 5. De His, quae sunt in part. decisa. Cui ad hoc necessarius est liber Capituli sui consensus, si Rem, vel Personam, vel Locum à sua Jurisdictione eximat: Exemptio enim hujusmodi est quædam alienatio.

III. Concilium Particulare C. 46. CAUS. XVI. QUEST. I.

IV. Concilium Generale C. 2 junctâ Corrett. Rom. Nota & C. 17. CAUS. XXV. QUEST. II.

TITULUS VII.

Quibus dari possunt Privilegia? Quibus de Canis? & Quomodo danda?

REGULA I.

Quibuscunque dari possunt Leges, Privilegia dari quoque possunt, si Gratius quibusque Indignos exceperis.

REGULÆ RATIO. Privilegia sunt Leges privatæ.

EXCEPTIONIS RATIO. Privilegia sunt Gratiae.

REGULA II.

Collegio, quod nondum existit, Privilegia, sicut nec Leges, dare non convenit.

C. 5. De Eccles. adif.

REGULA III.

Privilegia, tam quæ à Jure Communi exi-
munt, quam quæ Concedenti vel Aliis sunt no-
civa, sine justâ causâ danda non sunt.

Prior Pars patet ex locis, quibus alibi ostensum est, sine justâ causâ à Legi non esse dispensandum. Pos-
terior patet ex C. 16. De Cler. non Resid. & C. 9. De
Decim. que docent revocanda Privilegia, quæ sunt
nimium nociva.

REGULÆ RATIO. Prioris generis Privilegia sunt
perpetua à Jure Dispensatio: at Dispensatio à Jure
Nemini sine justâ causâ danda est; sicut nec Jus sine
justâ causâ constituentum. Privilegia vero Posterioris
generis à majori justam causam exigunt, cum
injustum sit, ut sine sine justâ causâ sibi vel alii
Quis noceat.

REGULA IV.

Quandò Privilegium Superioris Dignitatis Inferiori communicatur, ita communicandum, ut Superi-
or sua supereminentia conservetur.

Colligitur è Cap. 6. De Privileg. in VI.

Hinc Abbatibus non est concedendus Episcopatum
Ornamentorum usus, in his Cœtibus, in quibus Epis-
copi suis utuntur. ibid.

REGULA V.

Qui similem cum aliis vitam suscipiunt, simili
debent gaudere Privilegio; ac è contrâ.

C. 3. De Privileg.

Hinc Privilegiatorum Confratres, qui ad illos non
omnino se transferunt, illorum Privilegiis non plenè
potiuntur. Cap. 32. ibidem.

TITULUS VIII.

Circà Quæ versetur Privilegium? & de Quibus id exprimatur in Canone?

REGULA I.

Circà eadem Privilegia versantur, circà quæ Leges.

REGULA II.

Quæcumque præscribi possunt, ex Privilegio
concedi possunt, etià quædam nequeant præscri-
bi, quæ ex Privilegio haberri possunt.
Exceptionis exempla leguntur Cap. 11. 12. De Prescr.

REGULA III.

Quæ dicuntur in Canone ex Privilegio conce-
di posse, hæc sunt.

I. Jurisdictio tam Contentiosa, quam Voluntaria,
tam Criminalis, quam Civilis, Cap. 12. De Excess.
Præl. C. 9. De Offic. Ordin. C. 13. De foro competenti.

Hinc cognitione Caularum Matrimonialium, injunc-
tio Penitentiæ publicæ, Indulgentiarum Concessio,
aliquæ ejusmodi, quæ ad Episcopos Jure Communis
pertinent, ex Privilegio aliis competere possunt; hinc
Clericorum Capitulo servientium correctio & punitio,
quæ